

Kugbɔnku kùà Sud kɛle' kù nnɔ Nà wɔngh kugbɔnku kuu te ma bo

Kugbɔnku kuu te ki de' Kristo yaab kɛ nɛ. Ku'maam nɛke Pier kɛle' kulieku kùà nnɔ nɛ. Kugbɔnku kuu ya gɛɛr mɔ̀h nin bitonnɛnɔ̀bɔnsɔ̀knɔ̀ ya tonnɛnku nin bi'tetɛfɛnɛnm nɛ (migbiirm 6-13; 2 Pi iyul 2).

Wà kɛle' kugbɔnku kuu nnɔ taah Kujɔ̀tiɛkpaaku ya gbɔnku ya gɛɛr nɛ, ki n̄ɛndeh miwɔ̀knm len ki wɔ̀knh u'yo ya nib. U liebe' ki taah Sufmbɛ ya gbɔnt tuba mɔ̀ ya gɛɛr ki kieh u'gbɔnku ni. Ama tigbɔnt nnɔ tun n̄a te Uwien ya gbɔnku ni (migbiirm 9, 14, 15).

U taah in̄ɔ̀bon yà cɔ̀kreh nɛ ki tɔ̀keh Uwien li dɛre bà yie' u'yiem ya gɛɛr ya tub ma bo (migbiirm 3-13). Ama u liebe' ki tɔ̀ke' mɔ̀ ki ye n̄i kpɛ bɛ n̄ muɔ̀ bɛ micɛɛkm nɛ kí tore bɛ n̄ɔ̀ bɛ n̄ n̄ɛ Uwien li dɛre binib ya tub ma nnɔ̀ ni (migbiirm 22-23). Sud kɛle' u'gbɔnku ni ubɛnpiɛbe ya gɛɛr la, u yie wɔ̀ n̄ pien nà bre nin kinunbɔ̀nk nɛ. U ya bɛnpiɛbe n̄a bereh ama u n̄miɛndeh nɛ.

Ifuonde

¹ Min Sud, n yé *Yesu Kristo ya tonsɔ̀nl nɛ, ki yé Saak ya ninjɛ. Min nɛ kieh kugbɔnku kuu n̄i de ninbi bà Baa Uwien yin' nɛ, ki yie nɛ, ki cèrɛ' *Yesu Kristo gu nɛ nnɔ̀.

² Uwien ní li tuu ki muòh ne micεεekm, kí de ne uyenduòn kí gbien, kí li yíe ne cεen.

Uwien li dεere bà wòknh ná ña kpe sen ya tub

³ N'jòtiebε, n'fεnm là ton ní kele kugbònkú kí tòke ne miñmieniñm mà yé tí'ké yaam nnò ya gber ne. Ama fεnfennò n laa' ní yé n'bo liwòbl ne ní kele kí de ne kí cère ní'fèl ní li co ñò ní mà Uwien tòke' u'yaab mitekjim ya gber tà bolm miba kpein nnò bo.

⁴ Kímε binib biba lònbe' kí kòn' ní'ni, kí yé bibiεrdεnb, kí sikreh tí'Wien ya juokm ya gber ya tingi ñò bε ní fre kí li teh bí'sònsòndl ne. Bi wiε' *Yesu Kristo wà yé tí'Wònwòknbab, kí yé tí'Yonbdaan nnò ya gber. Ní kele' *Uwien ya gbònkú ní haali uyo ñò kí ye Uwien li dεere bí'tub.

⁵ Ní bεn n li tòke ne ná ké nnò mòmòmnm. Nín ní bεn ma ké nnò n yíe ní tiere ne kí ye Yonbdaan là ñmieni' Israyel yaab Esipt ní ne. Ní ya puoli bó ne u gben' bí'ni bà ña teke' wò kí jin' nnò ya gber.

⁶ Tiere mén Uwien ya tondb bà là dàan' Uwien sien' bε ná saan, kí siere' kí dàan' bí'kònkúòn nnò ya gber. Uwien lòle' bε ne, bε ní li tuu kí lùò, kí li te kubùòkú kúa ñò ka ñmòbe bien, kí biike ní, kí gu tibuur ya wengbiin ya daali.

⁷ Liεbe kí tiere mén Sodòm nín Gomòr ya du nín idutò yà kpieke yí nnò ya nib là tien' lisònsòndl tén bitondb nnò ma nnò ya gber. Bi tien' lisònsòndl ní tí kende' haali kí jí tí nuunh bε ní li duòndeh nín tibont tà nín nisaal ña tε*. Uwien là dεere' bí'tub, kí kuòn' bε umu wà ña ní kpiin ní. Nén ne wòngèh ná lá li tu bibiεrdεnb.

* **1:7** Tibont tà nín nisaal ña tε ya tingi te bolm mile bo ne: Uwien ya tondb bii tiwént.

⁸ Bibiɛrdɛnb nnɔ mɔ teh tɛn bɛn nɛ. Bi pɛ bi'dɛknt bo nɛ ki sɔnh itùon yà kuɔndeh bi'tiɛma gbɛnɛnt tijɔknt, ki yindeh Uwien ya yonbdɛnt, ki sukreh nà kɛ ɲmɔbe ukpiɛke paaki bó.

⁹ Uwien ya tondb ya ciɛn Misɛl mɔnɔn nin *usɛnpol là kɔnh uyo wà Moyis ya gbɛnɛnt bo nnɔ wa là tuo' ki suke' ki biin' wɔ ama u là tɔke' wɔ ki ye: «Yonbdaan ní dɛrɛ a'tub» baba nɛ.

¹⁰ Ama bibiɛrdɛnb nnɔ bɛn wɔn, bi sukreh ba bɛn nà nɛ, ki te tɛn ipiɛ, ki maaleh ki teh bi bɛn nà nnɔ mɔnɔn tulndeh bɛ ki joh nɛ.

¹¹ Ní bre bi'bo, kime bi kpɛn' Kayɛn là kpɛn' usɛn wà nnɔ nɛ. Bi taa' bi'ba ki de' ilike ya nuunm nɛ ki tùrɛ' tɛn Balam, ki yɛ' Uwien ya ɲɔbu bó tɛn Kore là yɛ' ma bo, nɛ ki kpo'.

¹² Ninbi Kristo yaab taan' ní ji tijier la, bi saake ni'ni tɛn tijɔknt nɛ ki saah ni'jiejin, ki jinh fuɔlfuɔl, fɛ ɲa ɲmɔbe bɛ, ki maaleh bɛn baba bó. Bi te tɛn utaa wà yin' ki bɔnde' ki juore' nin kutafaaku ka nii' nɛ; ki te tɛn isiin yà ɲa lùonh haali i'lònlùonyo mɔnɔn, ki kpikre' ki lu', ki kpo' keke nɛ.

¹³ Bi sɔnh ifɛ ya tùon nɛ ki joh tɛn miñunciɛnm ya ɲungbegbel teh kujujuku miñunm ya gbɛ ma bo, ki te tɛn inmaabii yà cuonh ka ɲmɔbe ì joh nà bó. Uwien bonde' mifɛnm ki ble' bɛ licinñunl ni bɛ ní li te len uyo wà ɲa ɲmɔbe gbenm.

¹⁴ Enɔk, wà là yé ti'yaajɛ nlole bo kí cin Adam ya bùol nnɔ, là sɔkn' Uwien li tien bibiɛrdɛnb nnɔ ma bo ki ye: «Li cengeh mɛn, Yonbdaan nin u'tondb turbɛnm li baa

¹⁵ kí lá bu binib kɛ tibuur; tibuur ní cuo bibiɛrdɛnb kɛ, bi sɔn' itùonbiɛrɛ yà kɛ nnɔ nin bi len' u'bo imebil yà kɛ nnɔ bo.»

¹⁶ Bi yé binib bà ḡulnh uyo κε νε, νε bonn κε bonn ḡa dèkreh βεν. Bi πε bi'yεnm yíe nà bo νε, ki lienh nin tigbengt, ki tòkeh binib tiñḡmaagber, ki nuunh βε ní jonde bi'bo.

Igbiere

¹⁷ N'jòtieβε, ninbi βεν wḡn, tiere men ti'Yonbdaan *Yesu Kristo ya tondb là juḡ' ki tòke' νε tigber tà nnḡ.

¹⁸ Bi là tòke' νε ki ye: ufḡḡryo binib lá li lè νε, kí li πε bi'yεnm yíe nà bo, ka ní li boh Wien.

¹⁹ Βεν νε boreh binib, ki πε unisaal yíe nà bo, ka ḡmḡbe *Fuoñaanm.

²⁰ N'jòtieβε, ninbi βεν wḡn, ni teke' Uwien ya ḡβεñaanm tà nnḡ, ní men tun bo kí li joh inun bó, kí li kàareh wḡ *Mifuoñaanm ya tuḡm bo,

²¹ kí li tuu ki te Uwien ya yíem ni, ki gu ti'Yonbdaan *Yesu Kristo ní de νε limiel là ḡa ḡmḡbe ḡbenm u'nimḡnt bo.

²² Binib bà maaleh milele nnḡ, muḡ men βε micεεkm.

²³ Bitḡb mḡ te ní ñen βε umu ni βε ní ḡmere. Ní muḡ bitḡb mḡ micεεkm ama kí li dèkreh ní'ba, ki la miεkeh bi'wεngolkaar mḡnḡn, kimε bi'tuon nnḡ kuḡn' tu'mḡ tijḡknt ḡḡ.

Li pèkeh men Uwien

²⁴ Uwien νε yé wà li fre kí li gu νε ni la lu' sen κε sen ni, ki li cère ní sere wḡn wà ḡmḡbe ukpieke ya nun bó, kí li tuu ki ḡmḡbe uyεnsḡnge, ki la ḡmḡbe biil.

²⁵ Wḡn wà yé Uwenbaabe, ki yé ti'Nḡmienl kí ñe ti'Yonbdaan *Yesu Kristo bo nnḡ si ukpieke nin

uyɛbn nin mituəm nin ufaa tibont kɛ bo uyo wà
gèbre' nin fɛnfennɔ wuɔ nin uyo kɛ. Ami.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
f30fbe0b-cda1-5a60-a4ee-8be80c6caef6